

擬太平策序

中庸論爲下不倍曰非天子不議禮制度考文而魯論乃載孔子顏淵夏時殷輅周冕進退三王何也中庸所言議制考行其事也孔顏則辨論之以待君相之用如後世獻策之類少年閱通鑑見王文中獻太平十二策心竊韙之而惜其書之不傳也漢儒有曰周禮周公致太平之書宋人有云儒者爲往聖繼絕學爲萬世開太平今幸際太平之世明四目達四聰令士皆得陳言而不思治平之策則有負於儒矣非爲下之義矣乃撫枕準周禮擬太平策如左七十三歲病夫李堪

擬太平策卷一

蠡縣李璫著

天官

六官唐名為吏戶
禮兵刑工六部

冢宰統六官輔朝政選建官人周禮六官之外無官如後世大理可去以有刑部也翰林院古無之增尙浮文宜去通政司古納言之職也其任甚重自漢唐宋明以來皆以宦官近侍傳命故亂政亟行宵小弄權宜任士大夫置司於朝門內朝夕出納帝命卽下而縣尹把轉箚者亦以六衙之士賢者充之不宜用其僕役則令行惟允上而府藩宣上達下皆如之

周禮冢宰詔王以爵祿予奪馭羣臣小宰以六計弊羣吏之治大司馬進賢興功司士以德詔爵以功詔祿今郡縣較封建黜陟尤夥宜冢宰掌之而司馬副之分設其司如選司掌選補推陞考功掌考察降罰驗封掌百官封爵稽勳掌

百官制喪終養世職之類

三代治民匹夫匹婦無一不治漢唐賢君不擾民非治民也且百里而一令雖

欲治無由不封建而封建其分鄉乎其不傳子而傳賢乎其久任而重其權乎

周禮鄉五家立比長以下十今可自十家始選一傑者或才或德爲保長督察十家

爲未入流官十保百家爲里里師以下士九品督十保長朝出民暮入民以課

農歲課一家桑麻若干園蔬若干牛馬鷄豚若干孟子家五母雞二母豕亦非定數以多反妨生產也女

功亦稽焉詰奸宄盜賊驅游惰征賦稅教百家之子弟八歲堪入小學者事繁

則置佐亦以下士水地民居星落不能百家一聚者合數落足之十里爲邑千

家以中士爲邑宰八品教邑學子弟督十里師之政事繁置佐以下士陞爲中

士佐之十邑萬家爲鄉鄉正以上士七品教鄉學子弟督十邑宰之政事繁置

佐以中士陞爲上士佐之佐多少量事繁簡四鄉爲縣或三鄉不等立縣尹六

品教縣學子弟統六衙督四鄉正政六衙吏戶禮兵刑工也銜同邑宰而考督鄉正縣尊也縣城中民百家亦立保長里師千家亦立邑宰與城外同爲鄉屬於鄉正十縣上下爲府府守五品督縣政鄉用其鄉人衙用縣人縣府自外陞者不過五百里八府上下爲藩藩伯四品督府政府衙七品藩衙六品部各自選其屬兵五部呈於吏部吏五部亦呈於兵部皆呈於天子定之藩選府府選縣縣選六衙鄉正衙鄉各選其屬衙鄉呈於縣誤駁之縣呈府如之府呈藩如之藩呈所用於吏部兵部用之誤駁之皆票之而呈於天子定之此孔子言宰與人公舉賢才之意也外參以巡按內參以察院三載考績師保考冢宰賢否冢宰考五部都察金吾通政堂官及藩公賢否師保六部都察金吾通政各考其屬藩伯考其六衙府守府守考其六衙縣尹縣考其六衙鄉正鄉考其邑宰里師俱有考語鄉上之縣縣上之府府上藩藩上吏部兵部而俱上之

天子外則巡按核其實藩公亦考巡按內則察院核其實分上中下上獎之中
飭之下勅責之貪酷昏惰者立除之甚誅之九載考績黜陟幽明三考皆上加
爵祿而仍其官久任責成也必以上缺官不得已乃陞之離任皆中或留或降
皆下黜其有賢績或不肖殊尤外藩公巡按內堂官察院又不時舉劾之凡堂
官於屬官有罪過撻以記之書以識之以待考績黜陟

藩伯五年一朝述職內藩東南西北邊藩西北東南四歲徧間一藩朝一藩二
歲一方徧

儀禮諸侯覲王有庭實魯論聘有享覲左傳藩國朝發幣于公卿官吏往來盛
世不廢也藩伯朝貢上士儀三品以上皆有餽朝廷考察後燕之優賞之堂官
各延燕鄉正於縣縣於府府於藩春秋元旦皆有餽遺外止米甃內止幣帛餽
銀錢者以賊論

五部正堂三品副堂品同藩伯司官五品六品冢宰二品副三品司官同五部
太師太保一品少二品九品約祿米三十石錢二十貫八品五十石三十貫七
品八十石五十貫六品百二十石八十貫帛十端布二十端五品二百石一百
貫帛十五端布三十端四品四百石二百貫帛三十端布四十端三品六百石
三百貫帛四十端布六十端二品八百石四百貫帛六十端布一百端一品一
千二百石八百貫帛一百端布二百端若祿有餘甯厚養廉以便厲禁貪也
京官有僦居之費五品以下加祿如五品以四五之間俸之米三百石錢一百
五十貫帛十七端布三十五端餘以此推之

學士教於縣也歲給米三石貢于府以上也米五石試各署米八石

明有訟狀紙價每告一狀納錢百以備文卷紙費也地方官除祿外收之此外
取一絲一粒皆爲賊

京官府史選之成均退士府藏文卷史主書寫而文稿看語則官正佐自主之府史不與也歲工食米二十四石錢十五貫各衙門府史有進益者閒薦爲本衙門士胥徒選之司馬之兵胥有才智與徒同給徵令行刑三歲一更藩府府史如之胥徒選之戍兵縣衙府史亦如之胥徒亦戍兵亦有班鄉正以下府史以學士胥徒以官兵不成者

鄉正以下土居親民非有必宜轉用者不輕陞離里師陞邑宰邑宰陞鄉正鄉正陞縣縣陞府亦陞御史府陞藩藩陞吏部副堂副堂亦轉藩縣衙佐陞衙縣吏衙陞府吏下五衙如之府吏衙陞藩吏下五衙如之藩吏衙陞吏部六品司官餘皆如之六品司官陞五品司官五品司官陞副堂副堂陞正堂惟兵衙陞兵部司亦陞金吾屬官以次轉金吾家宰陞師保五部都憲亦間陞此唐虞水火工虞終身一官之法也

陞世儀曰誦讀則一無所長筮仕乃無所不任吏轉戶戶轉兵是獎人善鍛而使爲工師也

士之貢也必首以孝官之陞也必首以廉

古天子一后三夫人九嬪二十七世婦八十一御妻共一百二十二人鄭註曰君子不苟於色不必備諸侯一娶九女大夫三女士有陪貳惟農工商爲匹夫匹婦後世天子仍宜遵古制聘賢女立之而冢宰管寺人以考察之有失則輔天子正之一品以至四品不得過九女五品以至九品不得過三女若娶而不生子者或有所歸去之或無所歸別養之而再娶庶民無子亦許置側

周禮內宰以陰禮教六宮中春詔后帥外內命婦始蠶于北郊以爲祭服上春詔王后帥六宮之人而生種稌之種而獻之於王世婦掌祭祀賓客喪紀之事帥女宮而濯概爲盥盛女御掌御敘于王之燕寢以歲時獻功事則自后以下皆有職事无一閒曠所謂修內治以化天下也今宮壺嚴肅外官不得入宜冢宰督寺人詔后以下行之

冢宰管宮寺有罪杖之或誅之

寺人給事宮中宮中給之衣食不許出外與外官接不稱官不制祿外尙有婦女婦以罪沒入者女募之民間十歲入二十出皆有定數

膳夫冰酒醯醢及醫周禮皆在天官則後世光祿精膳太醫諸官也冢宰輔相王躬故皆統之

周禮掌舍掌幕屬天官司右太僕屬夏官皆以士大夫所謂供王使令前後左右罔非正人也有統屬則不肆

禁官人以世天子之子封公祿一品公子侯二品侯子伯三品伯子子男四品子男子以下宗人官統之宗人官四品使同國子入成均學成選用勳臣封侯俟子伯伯子子男元勳亦封公卽衍聖公亦不世卒則藩伯巡按公選其族德行道藝優者襲之

擬太平策卷一終

謝太平策卷一

擬太平策卷二

地官

唐虞司徒專主教周禮主教亦主農田征賦漢唐後專主糧稅今按道德齊禮教宜歸禮部如一縣鄉正以下農田征賦戶衙督之學校教法禮衙督之而天下一家征多於古戶部亦宜按藩分司如山東司江南司之類

田有水可蓄洩者則薄

洫井之

溝洫從圩園之便水田工費一夫三十畝即可

無水而人民新造地足

分者則均之一家八口百畝中人左右足各一蹶與兩肱舒直等五尺也爲一步步百爲畝如不得均則限之一夫不得過五十畝多者許賣不許買宅亦有限

非均田則貧富不均不能人人有恆產均田第一仁政也但今世奪富與貧殊爲艱難顏先生有佃戶分種之說今思之甚妙如一富家有田十頃爲之留一

頃而令九

家佃種九頃耕牛子種佃戶自備無者領於官秋收還秋熟以四十

畝糧交地

主而以十畝代地主納官納官者卽古什一之征也地主用五十畝

則今日

停分佃戶也而佃戶自收五十畝過三十年爲一世地主之享地利終

其身亦

可已矣則地全歸佃戶若三十年以前地主佃戶情願買賣者聽之若

地主

子弟衆情願力農者三頃兩頃可以聽其自種但不得多雇傭以占地利

每一

佃戶必一家有三四人可以自力耕鋤方算一家無者或兩家三家共作

一

家地不足者一家五十畝亦可無地可分者移之荒處

用

爲禮遂師巡其稼穡而移用其民以救其時事

戶納絹三尺綿一兩或布六尺麻二兩

旱地溝洫徒費也但與鄰田栽樹以清疆界以毓材木

禁銀永不許充征但如金珠玉翠爲器飾用或雜稅以錢應亦以銀

分士農工商四民十家一牌註明某士某農某工商縣有籍士歸學農歸田工
造作不出其鄉商行者不得過千里遠販侈靡淫巧者誅凡行商必里師邑宰
與之印票計日歸收之無印票許外人收其貨責其人

王制司空興事勸功无曠土無游民司徒命鄉簡不帥教者以告使觀學行禮
以變之不變移之郊遂遠方樂正教國子簡不帥教者以告王視學變之不變
屏之棘寄自蕭曹以清淨爲治以獄市客奸而民始多閒曠自佛老以清閒爲
教而民始以閒爲貴而天下靡亂矣天下有一無事之民則一民廢無一無事
之民則天下治今士人靜坐講無極性天空談或玩惕觴咏或博奕嬉戲里井
之民閒處曠遊羣飲聚談非勤學非力農非工商力作皆游惰也司徒督各藩
令各縣戶衙督鄉官凡保中有游惰者保長教之不變稟於里師責之自里師以上皆
有杖不變稟邑宰責之不變稟鄉正責之不變縣責之又不變士宜如明太祖築

逍遙樓令爲其玩而斷其食哀毀求改誠者釋之不變閉而斃之農工商背堅
堅木等身貫木項一環腰一環膝下一環束緊鐵鑄之令可食不可屈轉發其
鄉里執更守門三年悔改誠者乃除之歸業不者終其身

官日有事無事卽冗員去其人除其職

凡保里之民以事外出者稟印官給以票無票外卽園土納之歸問罪

凡產物商有厚利者卽產地微征其稅如布帛等民間交易者無征販商或匹
一二十文或銀一二分

烟奪地利禁之善

周禮凡庶民無畜者祭無牲不耕者祭無盛不樹者无槨不蠶者不帛不績者
不衰

王制行養老之禮后引戶校年八十者一子不從政九十者其家不從政廢疾

非人不養者一人不從政鰥寡孤獨無依者皆有常餼

李杜曰今違古而修墓且惑於風水家各爲塋曠土失農甚非策也宜仿周禮冢人墓大夫之制國北鄉北族葬惟名宦顯德稍爲封識柩前立石柱刻云某公卿之冢或某聖賢之冢翁仲松柏不許豎植餘冢更不許斥修

擬太平策卷二終